

RM1 juta kos atasi hakisan pantai

Kuala Nerus: Kerajaan Terengganu memberi jaminan akan berusaha menyelesaikan masalah hakisan yang serius di beberapa kawasan, terutama Kampung Tanjung Gelam, Mengabang Telipot, di sini.

Menteri Besar Terengganu, Datuk Seri Ahmad Razif Abd Rahman, berkata kerajaan negeri bersama Jabatan Pengairan dan Saliran (JPS) sudah melakukan kerja awal sebagai langkah awal sehingga satu keputusan dicapai bagi menangani masalah itu diperoleh dalam masa terdekat.

Katanya, pihaknya juga akan mengadakan perbincangan dengan Menteri Sumber Asli dan Alam Sekitar, Datuk Seri Wan Junaidi Tuanku Jaafar yang akan berada di Terengganu pada 15 Februari ini.

Peruntukan tambahan

“Kita mungkin akan memba-
wa beliau melawat tempat ha-
kisan dan memohon perun-



tukan tambahan untuk menyelesaikan permasalahan itu.

“Kerajaan negeri akan pastikan segala permasalahan akan diselesaikan, terutama berkaitan kebajikan rakyat,” katanya yang melawat hakisan di Pantai Tanjung Gelam, semalam.

Selain Pantai Tanjung Gelam, beberapa kawasan lain turut mengalami hakisan akibat ombak pasang besar iaitu Pantai Kampung Keluang, Besut; Pantai Teluk Lipat, Dungun dan Pantai Geliga, Kemaman.

Ahmad Razif berkata, pihaknya juga menyediakan perun-

*Sebuah rumah di pantai Kampung Tanjung Gelam, Mengabang Telipot **dipukul ombak berikutan fenomena air pasang besar, malam semalam.***

[FOTO MOHD SYAFIQ AMBAK/BH]

tukan RM1 juta untuk melakukan kerja tambahan di sekitar pantai Mengabang Telipot.

“Kerajaan negeri juga meminta JPS mengkaji kaedah terbaik untuk mengatasi masalah itu daripada terus merembak ke kawasan lain,” katanya.